



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Na osnovu Programa mjera za utrošak podsticajnih sredstava u oblasti poljoprivrede u 2025. godini na području Grada Zenica broj: 01-45-8965/25 od 10.04.2025. godine, Smjernica o minimalnim standardima dodjele budžetskih sredstava putem transfera i subvencija u FBiH (Službene novine F BiH br 37/24) Grad Zenica, putem Službe za privredu, gradsku imovinu i upravljanje razvojem, raspisuje:

JAVNI POZIV

za podnošenje zahtjeva za refundaciju troškova obaveza doprinosa (PIO, zdravstveno osiguranje i osiguranje od nezaposlenosti) za registrovane srodne djelatnosti – obrte u poljoprivredi kojima je to osnovna djelatnost

I PREDMET JAVNOG POZIVA

Predmet Javnog poziva je dodjela bespovratnih finansijskih sredstava za poljoprivredne proizvođače s područja Grada Zenice, koji su tokom 2025. godine registrovali poljoprivrednu djelatnost kao osnovno zanimanje u skladu sa Zakonom o obrtu i srodnim djelatnostima.

II NAMJENA I IZNOS PODSTICAJNIH SREDSTAVA

Podsticajna sredstva su namjenjena za refundaciju troškova obaveza doprinosa (PIO, zdravstveno osiguranje i osiguranje od nezaposlenosti) za vlasnike obrta u poljoprivredi, registrovanih u 2025. godini. Ukupan iznos podsticajnih sredstava je 15.000,00 KM.

III PRAVO UČEŠĆA

Pravo na učešće za odobravanje sredstava **za refundaciju troškova obaveza doprinosa (PIO, zdravstveno osiguranje i osiguranje od nezaposlenosti)** imaju vlasnici registrovanih obrta u oblasti poljoprivrede:

- registrovani u 2025. godini
- čiji je obrt upisan u Registar poljoprivrednih gazdinstava i Registar clijenata
- koji se bave jednom od dolje navedenih poljoprivrednih proizvodnji, te u istoj proizvodnji posjeduju:
 - minimalno 2 muzne krave
 - minimalno 5 grla tovnih junadi
 - minimalno 50 ovaca
 - minimalno 25 koza



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

- minimalno 5.000 tovni pilića
- minimalno 500 koka nosilica
- minimalno 5 rasplodnih krmača
- minimalno 30 tovnih prasadi
- minimalno 30 pčelinjih društava
- minimalno 200m² plastenika ili staklenika
- minimalno 2 dunuma pod jagodičastim voćem
- minimalno 3 dunuma intenzivnih zasada visokostablašica (jabučasto, koštičavo i jezgrasto voće).

Podsticajna sredstva za refundaciju gore navedenih doprinosa će se realizovati u naredne tri godine pri čemu se u prvoj, odnosno 2025. godini refundiraju troškovi u iznosu od 100%, u drugoj godini 50% i trećoj 25% od ukupnog iznosa troškova doprinosa. Podsticajna sredstva za refundaciju troškova doprinosa će biti uplaćivani sukcesivno na kraju svakog mjeseca, nakon dostavljenog obrasca na kojem su vidljive uplate obaveznih doprinosa.

IV OBAVEZNA DOKUMENTACIJA

Uz zahtjev za podsticaj podnosioci trebaju priložiti sljedeću dokumentaciju:

1. Ovjerenu kopiju Rješenja o registraciji djelatnosti - poljoprivreda (osnovna djelatnost)
2. Uvjerenje da pravni subjekt (farma, obrt, itd) nema neizmirenih obaveza po osnovu poreza i doprinosa za tekuću godinu (original ili ovjerena kopija)
3. Ovjerenu izjavu podnosioca zahtjeva da će odobrena novčana sredstva namjenski utrošiti i registrovanu djelatnost održavati minimalno 36 mjeseci
4. Obavještenje o razvrstavanju djelatnosti prema Klasifikaciji djelatnosti (izdato od strane Federalnog zavoda za statistiku - Kantonalni ured Zenica)
5. Potvrdu o otvorenom aktivnom računu.

V PROVOĐENJE POSTUPKA PO JAVNOM POZIVU

Postupak po Javnom pozivu provest će Komisija koju će imenovati Gradonačelnik.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Zadatak Komisije je:

- pregled prispjelih prijava i službena provjera upisa i ažuriranja u Registru poljoprivrednih gazdinstava i Registru klijenata,
- evidentiranje kandidata koji ispunjavaju uslove iz Javnog poziva,
- izrada zapisnika o radu i sačinjavanje preliminarne liste korisnika.

Preliminarna lista odabranih kandidata se objavljuje na oglasnoj ploči Grada i službenoj web stranici. Na preliminarnu listu, korisnici imaju pravo prigovora u roku 5 dana od dana objave na web stranici Grada koji se podnosi u pisanoj formi Komisiji za rješavanje prigovora po Javnom pozivu putem Službe za privredu, gradsku imovinu i upravljanje razvojem. Komisiju iz prethodnog stava ovog člana formira Gradonačelnik na prijedlog Službe za privredu, gradsku imovinu i upravljanje razvojem.

Nakon razmatranja prigovora, Komisija sačinjava konačnu listu te istu dostavlja Gradonačelniku na potpis. Grad Zenica će sa odabranim kandidatima zaključiti ugovor o dodjeli sredstava kojim će se regulisati međusobna prava i obaveze. Nepotpune i ne blagovremene prijave se neće uzimati u razmatranje.

NAPOMENA:

Vlasnici poljoprivrednih obrta, koji ostvare pravo na podsticaj za refundaciju troškova obaveznih doprinosa (PIO, zdravstveno osiguranje i osiguranje od nezaposlenosti), ne mogu ostvariti podsticaju proširenju proizvodnje u oblasti poljoprivrede.

VI NAČIN I ROK PODNOŠENJA PRIJAVA

Prijava na Javni poziv podnosi se dostavljanjem obavezne dokumentacije naznačene u Javnom pozivu u zatvorenoj koverti na protokol Grada Zenica ili putem pošte, na adresu:

GRAD ZENICA
Služba za privredu, gradsku imovinu i upravljanje razvojem
Komisija za provođenje Javnog poziva
Trg BiH 6, 72000 Zenica
sa naznakom:

„Javni poziv za refundaciju obaveznih doprinosa (PIO, zdravstvene osiguranja i osiguranje od nezaposlenosti) za registraciju srodne djelatnosti -obrtu u poljoprivredi -NE OTVARATI“

Rok za predaju prijava je 30 dana od dana objavljivanja Javnog poziva na web stranici Grada Zenica. Prijave dostavljene nakon navedenog roka biti će razmatrane jedino u slučaju da poštanski žig ukazuje na datum slanja prije zvaničnog isteka roka. Na poleđini koverta obavezno naznačiti ime i prezime lica koje podnosi zahtjev, adresu, kontakt telefon i pečat.

Sve dodatne informacije u vezi sa Javnim pozivom se mogu dobiti u Službi za privredu, gradsku imovinu i upravljanje razvojem Grada Zenica, na brojeve telefona: 032/447-708 (Senada Sejmenović) i 032/447-706 (Edis Klepo) svakim radnim danom od 07.30 do 16.00 sati.